

ՀԻՆԴԻ ԳԱՂՈՒԹ ՀԱՅԱՍՏԱՆՈՒՄ

Պրոֆ. ՊԱՆՉԱՆՆԱՆ ՍԱՀՆԱ (Կալկաթա)

Հեռավոր անցյալում Հնդկաստանը սերտ կապեր է ունեցել Հայաստանի հետ: Դեռ II դարում (մ. թ. ա.) Հայաստանի Տարոն գավառում եկվոր հնդիկների կողմից հաստատվել էր բարգավաճ ու հարուստ մի գաղթավայր: Հայաստանի Իննականյան վանքի ասորի եպիսկոպոս Զենոբ Գլակր, III դարի սկզբում (մ. թ.), իր հուշագրության մեջ հիանալիորեն և մանրամասն նկարագրում է այդ հինգի գաղթաբնականների արտաքինը, կենցաղն ու կրոնական հավատալիքները: Այս արժեքավոր երկասիրությունը հրատարակված է 1832 թ. Իտալիայի Վենետիկ քաղաքում: Գիրքն սկզբում գրվել է ասորերեն, իսկ ապա՝ ասորատառ հայերեն: Վերահիշյալ աշխատության մասին մի գրախոսական, որոպատկանում է կալկաթաբնակ հայ, բենգալի արքայական Ասիական ընկերության անդամ Հուհաննես Ավդալյանի գրչին, լույս է տեսել 1836 թ. ընկերության ամսագրում:

Զենոբ Գլակի գրքում նշվում է, որ հեռավոր անցյալում մի քանի հինգիներ թողել են իրենց երկիրը և հաստատվել Հայաստանում: Այստեղ Վաղարշակ թագավորը նրանց ապաստան է տալիս Տարոնի գավառում: Մ. թ. III դարում, այն ժամանակ, երբ Զենոբը գրում էր իր հուշագրությունը, հինգի գաղթաբնականները արդեն հաստատվել էին երեք կարևոր վայրերում՝ Կուառք, Մեոտի և Հոռեան: Սրանք էլ դառնում են հինգի կրոնի և մշակույթի կենտրոններ: Գրքում ասված է. «Այս և յոյժ գալմանալի էր տեսիլ նոցա, քանզի սեք էին և զիսաւորք և զազրատեսակք, զի ցեղով ի հնդկաց էին: Քանզի և կոոցն, որ յայս տեղոջ էին, պատճառն այս է: Դեմետր և Գիսանէ... և կանգնեցին զկուռսն զայնոսիկ յանուն կոոցն զոր ի հնդիկսն պաշտէին» (Պատմութիւն Տարոնոյ զոր թարգմանեաց Զենոբ Ասորի, ի Վենետիկ, յամի 1832, էջ 35, 36):

Իր հուշագրության մեջ Զենոբը գանգատվում է. «Զի ազգն այն յորժամ ի Քրիստոս դարձան, չէին կատարեալ ի հաւատսն, և զհայրենի օրէնսն կիշխէին յայտնի ունել, այլ խաբէութեամբ զայս հնարեցան. ծամ միայն թողուլ ի զլուխ մանկանցն, զի զայն տեսեալ յիշեսցեն զպաշտօն պղծութեան իւրեանց» (էջ 36): Գաղթողների արտաքինի, գույնի, նիստ ու կացի ու կրոնի մասին Զենոբի տված նկարագրությունը համապատասխանում է այժմյան հինդիների արտա-

* Հնդիկ արքայազն Դեմետր և Գիսանն եղբայրների Հայաստան գաղթելու և Տարոնում բնակություն հաստատելու ավանդությունը պահպանվել է VIII դարի հնդինակ Հովհան Տարոնացու «Պատմութիւն Տարոնոյ» երկի առաջին մասում, ուր գրանցված են Հայաստանում քրիստոնեության տարածման մասին առասպելախառն պատմություններ: «Տարոնի պատմության» այդ մասը միջնադարյան հայ պատմագիտության մեջ վերագրված է Զենոբ Ասորի եպիսկոպոսին: Դեմետրի և Գիսաննի Հայաստան գաղթելու ավանդության մասին գրել են Մ. Չամչյանը, Ղ. Ալիշանը, Ղ. Ահիճյանը, Մ. Էմինը, Մ. Արեղյանը և ուրիշներ: Հնդիկ պրոֆ. Պանչանան Սահան կրկին անդրադառնալով այդ ավանդությանը, փորձում է որոշել, թե Հնդկաստանի որ մասից կարող էին լինել փախստականները և երբ կարող էր կատարված լինել դեպքը (Ժանոթագրությունը և հոդվածի թարգմանությունը անգլերեն բնագրից՝ Ա. Քյոչկերյանի):

քինին ու կենցաղին: Գիսանի աստվածը, ըստ երևույթին, պետք է համապատասխանի Kzishna Vasudeva-ին: Դժվար է ասել, թե հինդի ո՞ր աստծու հետ է նույնանում Դեմետր աստվածը:

Հինդիների գաղթի պատճառները նշված են Զենոբի գրքում, բայց դժվար է ճշգրտել այն ժամանակաշրջանն ու ճանապարհը, որ նրանց բերել է Հայաստան: Համենայն դեպս ակնհայտ է, որ նրանք նախքան քրիստոնեական դարաշրջանն արդեն մշտական բնակություն էին հաստատել Հայաստանում: Վաղարշակը, որի կողմից նրանք պաշտպանություն են գտնում, գրում է Զենոբը, Արշակի թոռն էր, Արշակ մեծի եղբայրը: Վերջինիս կողմից էլ նա նշանակվել էր Հայաստանի թագավոր, արարչագործության թվականի 3852-րդ տարում՝ Քրիստոսից մեկ և կես դար առաջ:

Հինդիների գաղթի պատճառների մասին Զենոբն ասում է. «Դառ իմն խորհեալ նոցա Դինասթեայ արքային իւրեանց, զոր իրազէկ եղեալ արքային՝ առաքէ զօր զհետ նոցա, կամ սուպանանել, կամ յերկրէն հալածական առնել: Իսկ նոցա լեալ մագապուր՝ անկան առ թագաւորն՝ Վաղարշակ և նա ետ նոցա զերկիրն Տարօնոյ իշխանությամբ. զոր ինքեանք շինեցին քաղաք, և կոչեցին Վիշապ: Որք եկեալ յԱշտիշատ, և կանգնեցին զկուսսն զայնոսիկ յանուն կոոցն զոր ի հնդիկսն պաշտէին» (էջ 35—36): Ամենայն հավանականությամբ հինդիները գաղթել են Հայաստան Մորյասների անկումից հետո: Այդ ժամանակ Մագաղայի գահը գտնվում էր սունգասների ձեռքին, իսկ Տաքսիլայում և Հնդկաստանի հյուսիս-արևմտյան մասում իշխում էին նաև հույն թագավորներ: Հաստատապես չգիտենք, թե որ դինաստիային էր պատկանում Դինասթեան, բայց անունից կարելի է ենթադրել, որ նա հյուսիս-արևմտյան Հնդկաստանի հույն թագավորներից մեկը պետք է լինի: Ստույգ չգիտենք նաև, թե որտեղից են նրանք գաղթել, բայց անուղղակի փաստերի օգնությամբ կարելի է ենթադրել, որ նրանք Հնդկաստանի հյուսիս-արևմուտքից էին:

Զենոբ Գլակր գրում է, որ սուրբ Գրիգորը մի քանի իշխաններից տեղեկացել էր, թե Տարոնի գավառում գոյություն ունեն երկու կռապաշտական մեհյաններ: «Եթէ ի գաւառն Տարօնոյ երկուս բազինս մնացեալ են՝ որ դեռ ձօնեն դիւաց» (էջ 25): Հետևապես, Հայաստանի քրիստոնյաները, նոր հավատափոխներին հատուկ մոլեռանդությամբ, նպատակ են դնում կործանել մեհյանները: Նրանք հասնում են Կուառք քաղաքը: Հինդի քրմերը Հաշտենքի իշխանից տեղեկանալով, որ Գիսանի ու Դեմետրի արձանները պետք է գետին տապալվեն, մեհյանները նախապաշտարարում են պաշտպանություն, իսկ ամբողջ գանձը տեղափոխում թաքստոց: Քրմապետը, որի անունը Արձան էր, և նրա Դեմետր որդին մեհյանները քրիստոնյաներից պաշտպանելու գործը վերցնում են իրենց ձեռքը:

Երեքօրյա պաշարումից հետո քրիստոնյաները տիրանում են Կուառք քաղաքին: Պարիսպները հիմնահատակ կործանվում են ու քաղաքն ավերվում իսկ քաղաքի բնակչությանը տանում են Մեղտի:

Հինդիների խիզախ առաջնորդ Դեմետրը ցասմամբ լի դիմում է քրիստոնյաներին. «Խէպէտ մեք ձեզ յաղթել ոչ կարեմք, սակայն լաւ է այսօր մեռանել ի վերայ աստուածոցն մերոց՝ քան թէ գտաճար նոցա ի ձէնջ ապականեալ տեսանեմք, որով և զկեանս ատեցաք և զմահ սիրեցաք» (էջ 27):

Ըստ Զենոբի պատմության՝ պաշտպանվող հինդիները սկզբում 5450 հոգի էին: Այս թիվը սակայն ավելացել էր հասնելով մոտավորապես 7000-ի. «և էին»

վեց հազար ինն հարեր քառասուն և վեց արք քրմացն, իսկ հինգ հազար և ութսուն զօրք իշխանացն հայոց» (էջ 29), գրում է հեղինակը:

Արձանը և Դեմետրոս նահատակվում են: Հերոսաբար կռվող հինգիները մնալով առանց ղեկավարի, գիմում են հաշտության: Երկու բանականներն էլ անմիջապես կասեցնում են սպանողը: Կենդանի մնացած «քուրմքն աղաչեցին գիշխանսն ի խաղաղութիւն, զի թաղեսցեն զմեռեալս իւրեանց» (էջ 30): Նրանց այս խնդրանքին հայերը սիրով ընդառաջում են: Երկուստեք սպանվածները հավաքվում են ու թաղվում հատուկ այդ նպատակի համար պատրաստված փոսերում:

Գերեզմանների վրա կանգնեցնում են հուշարձաններ ասորի, հելլենացի և յսմայելացի նշանադրերով:

«Առաջին պատերազմ որ եղև յոյժ սաստիկ պատերազմին գլխաւոր Արձան քրմապետն որ կայ այսր ի թաղման և ընդ նմա արս հազար երեսուն և ութ, և զայս պատերազմ արարաք վասն Գիսանեսոյ կոոց և վասն Քրիստոսի» (էջ 31):

Հայերը տոնում են իրենց հաղթանակը՝ մեհյանները գետնին հավասարեցնելով: Գիսանեսի և Դեմետրի արձանները, որոնք պատրաստված էին արույրից, ջարդուփշուր են անում: Գիսանեսի արձանն ունեւ 15 ոտնաչափ երկարությոն, իսկ Դեմետրինը՝ 12:

Խաղաղության վերականգնումից հետո Սյունյաց իշխանը գնում է Կուառք գյուղը: Այստեղ նրան հաջողվում է համոզել տեղի բնակիչներին հրաժարվել կռապաշտությունից և ընդունել քրիստոնեական կրոնը. «Եւ որք մկրտեցանն էին, արք և մանկտի, ոգիք հինգ հազար և յիսուն: Եւ առեալ ածէ զնոսա ի տէրունական տաճարն, և տօն սրբոյ Կարապետին տայր կատարել որ օր մի էր նաւասարդի» (էջ 35): Ինչպես երևում է, կանայք մկրտվել են մի ուրիշ օր: Ըստավանդության, նրանց բոլորին մկրտել է սուրբ Գրիգորը:

Չնայած իրենց վերջնական պարտությանն ու իրենց հետևորդների մասսայական կրոնափոխությանը, հինգի քրմերից մի քանիսը ընտանիքներով համառորեն պահում էին իրենց նախնիների կռապաշտական սովորույթները: «Ձայս բանս ի միտ առէք», ասում էին նրանք հայ իշխաններին, «որ թէ ապրիմք փոխարէնս առնեմք ձեզ, և թէ մեռանիմք, աստուածք հատուցանեն զվրէժս մեր» (էջ 35):

Հայկական Տարոն գավառում իրենց հաստատվելուց մինչև այս հիշարժան կռվի թվականը, մոտավորապես 450 տարվա մի ժամանակաշրջան, հինգի գաղթականները պետք է նշանակալի չափով աճած ու բազմապատկված լինեին: Չգիտենք, սակայն, հնարավո՞ր է արդյոք հայկական աղբյուրներում գտնել հինգի ցեղի մասին տեղեկություններ, բացառությամբ այս մեկի, որը հասել է մեզ շնորհիվ Զենոբ Գլակի Պատմության:

ИНДУССКАЯ КОЛОНИЯ В АРМЕНИИ

Проф. ПАНЧАНАН САХА (Калькутта)

(Р е з ю м е)

Во II в. н. э. в результате междоусобных войн в северо-западной Индии некоторое количество индусов переселилось в Армению и обосновало здесь, в области Тарон, индусскую колонию. В книге историка III в. Зеноба Глака «История Тарона» сохранились предания о быте и рели-

гиозных верованиях этих колонистов, а также о том, как после принятия армянами христианства они были принуждены отказаться от язычества и принять христианскую веру*.

* Сведения о переселении индусов в армянскую область Тарон сохранились в первой части «Истории Тарона» автора VIII в. Иоанна Таронаци, которая средневековыми армянскими историками неправильно приписывалась епископу Зенобу Асори. О переселении в Армению индийских колонистов писали в своих трудах армянские историки М. Чамчян, Г. Алишан, Г. Инджиджян, М. Эмнн, М. Абемян и другие (примечание и перевод статьи из английского оригинала — А. Кеошкеряна).